

Na osnovu člana 2.12. Izbornog zakona Bosne i Hercegovine („Službeni glasnik BiH“, broj: 23/1, 7/02, 9/02, 20/02, 25/02, 4/04, 20/04, 25/05, 52/05, 65/05, 77/05, 11/06, 24/06, 32/07, 33/08, 37/08, 32/10, 18/13, 7/14, 31/16, 41/20, 38/22, 51/22 i 67/22), člana 8. Uputstva o utvrđivanju kvalifikacija, broju, imenovanju, obuci i razrješenju članova izborne komisije osnovne izborne jedinice u Bosni i Hercegovini („Službeni glasnik BiH“, broj: 67/21, 73/21 i 13/22), člana 1. i 2. Odluke o objavljivanju Javnog oglasa za imenovanje tri člana Općinske izborne komisije Vogošća („Službene novine Kantona Sarajevo“, broj: 17/23), Općinsko vijeće Vogošća raspisuje

**JAVNI OGLAS
ZA IMENOVANJE 3 (TRI) ČLANA
OPĆINSKE IZBORNE KOMISIJE VOGOŠĆA**

I

Objavljuje se Javni oglas za imenovanje 3 (tri) člana Općinske izborne komisije Vogošća.

Člana Općinske izborne komisije imenuje Općinsko vijeće Vogošća na mandatni period od 7 godina, s tim da mu mandat teče od dana davanja saglasnosti Centralne izborne komisije Bosne i Hercegovine na odluku o imenovanju.

II

Kandidat za člana Općinske izborne komisije Vogošća mora ispunjavati opće uslove propisane članom 2.2. Izbornog zakona Bosne i Hercegovine:

- a) Da je osoba sa pravom glasa;
- b) Da je osoba sa odgovarajućom stručnom spremom i iskustvom u provedbi izbora.

III

Pored općih uslova, iz predhodnog člana, kandidat za člana Općinske izborne komisije mora ispunjavati slijedeće posebne uslove:

- a) Da ima prebivalište u općini Vogošća;
- b) Da ima završen fakultet, VII/1 stepen stručne spreme ili završen fakultet Bolonjskog sistema studiranja s najmanje 180 ECTS;
- c) Da posjeduje iskustvo u provođenju izbora.

Pod iskustvom u provođenju izbora podrazumjeva se:

- a) Članstvo u izbornoj komisiji i/ili;
- b) Članstvo u biračkom odboru na izborima obuhvaćenim Izbornim zakonom BiH.

IV

Član Općinske izborne komisije može biti predsjednik ili sudija redovnog suda, sekretar općinskog vijeća, odnosno skupštine općine i skupštine grada, odnosno gradskog vijeća, lica profesionalno zaposlena u općinskim organima uprave i druga lica, ako ispunjavaju uslove određene članom 2.2. Izbornog zakona BiH, a nemaju smetnji iz člana 2.3. Izbornog zakona BiH.

V

Sastav Općinske izborne komisije Vogošća mora biti multietičan i održavati zastupljenost konstitutivnih naroda u Općini, uključujući i ostale, a prema posljednjem popisu stanovništva provedenom na državnom nivou.

Sastav Općinske izborne komisije će u pravilu, odražavati ravnopravnu zastupljenost spolova, u skladu sa Zakonom o ravnopravnosti spolova u Bosni i Hercegovini.

VI

Za člana Općinske izborne komisije u skladu sa članom 2.3. i članom 2.12. stav (7) Izbornog zakona BiH i člana 4. stav 2. Uputstva o utvrđivanju kvalifikacija, broju, imenovanju, obuci i razrješenju članova izborne komisije osnovne izborne jedinice u Bosni i Hercegovini ne može biti imenovana osoba:

- a) Koja se ne može kandidovati u smislu odredbi članova 1.6., 1.7., 1.7a. Izbornog zakona BiH;
- b) Koja je član najvišeg izvršno-političkog organa političke stranke ili koalicije (predsjednik, potpredsjednik, generalni sekretar ili član izvršnog odbora ili glavnog odbora);
- c) Koja je nosilac izabranog mandata ili je član izvršnog organa vlasti, osim u slučajevima predviđenim članom 2.12. stav (4). Izbornog zakona BiH;

- d) Koja je kandidat za izbore za bilo koji nivo vlasti;
- e) Kojoj je izrečena kazna za radnju koja predstavlja težu povredu Izbornog zakona ili propisa za koju je lično odgovorna u posljednje 4 (četiri) godine, računajući od dana pravosnažnosti odluke;
- f) Koja je zastupnik odnosno punomoćnik političkog subjekta koji učestvuje na izborima;
- g) Koja je pravosnažnom sudskom presudom osuđena na kaznu zatvora u trajanju od šest mjeseci ili duže;
- h) Koja obavlja izvršnu funkciju kako je utvrđeno odredbom člana 1.8. stav (6) Izbornog zakona BiH, odnosno osoba koju je na dužnost imenovalo Vijeće ministara BiH, Vlada Federacije BiH, Vlada republike Srpske, kantonalna vlada i općinsko vijeće, odnosno skupština općine;
- i) Koja je aktuelni kandidat ili je bio kandidat za bilo koji nivo vlasti na posljednjim općim i/ili posljednjim lokalnim izborima.

VII

Uz prijavu na javni oglas, potrebno je dostaviti sljedeću dokumentaciju:

1. Prijavni obrazac sa kontakt podacima podnosioca prijave, listu dostavljenih dokumenata i svojeručni potpis podnosioca prijave, te dokumente koji dokazuju ispunjavanje uslova iz javnog oglasa;
2. Ovjerenu kopiju diplome o stečenoj stručnoj spremi, nostrifikovanu-priznatu diplomu ukoliko fakultet nije završen u Bosni i Hercegovini, uključujući i diplome stečene nakon 06.04.1992.godine, u nekoj od država nastalih raspadom SFRJ, a u skladu sa propisima nadležnog organa koji vrši nostrifikaciju-priznavanje inostranih diploma;
3. Dokaz o izbornom iskustvu kandidata koji mora sadržavati podatke o nazivu izborne komisije i mandatnom periodu, odnosno vrsti i godini izbora i naziva biračkog mjesta u kojem je imenovani kandidat bio član biračkog odbora, te podatak da je imenovani kandidat bio angažovan u radu biračkog odbora i obavljao ovu dužnost;
4. Obrazac PBA-3 o prebivalištu ne stariji od 3 mjeseca;
5. Izjava o nacionalnom izjašnjenju kandidata sa posljednjeg popisa stanovništva u Bosni i Hercegovini, svojeručno potpisana i ovjerena od nadležnog organa;
6. Izjava da nije obuhvaćen odredbama člana 2.3. Izbornog zakona BiH, svojeručno potpisana i ovjerena od nadležnog organa;
7. Izjava o nepostojanju smetnji iz člana 2.12. stav (7) Izbornog zakona BiH, odnosno da nije zastupnik odnosno punomoćnik političkog subjekta koji učestvuje na izborima, niti lice koje je pravosnažnom sudskom presudom osuđeno na kaznu zatvora u trajanju od šest mjeseci ili duže, svojeručno potpisana i ovjerena od nadležnog organa;
8. Dokaz o naučnom zvanju i/ili položenom pravosudnom ispitu i/ili o nosiocu pravosudne funkcije i/ili prisustvu obukama u organizaciji Centralne izborne komisije BiH – jednoj ili više obuka (ukoliko kandidat posjeduje navedeno).

Svi dokumenti koji se dostavljaju uz prijavu na javni oglas moraju biti originalni ili ovjerene fotokopije. Dokumentacija priložena uz prijavu neće biti vraćena kandidatima.

VIII

1. Ovaj oglas će se objaviti u dnevnim novinama „Oslobođenje, na web stranici Općine Vogošća i Oglasnoj ploči Općine Vogošća.
2. Obrasci prijave i izjave iz člana VII ovog oglasa, pod rednim brojem 1., 5., 6., i 7., kandidati mogu preuzeti u Stručnoj službi za poslove Općinskog vijeća i Općinskog načelnika Općine Vogošća (II sprat, kancelarija broj 57).
3. Rok za podnošenje prijave je 8 (osam) dana od dana objave Javnog oglasa u dnevnim novinama „Oslobođenje“.
4. Lista pitanja za intervju sa kandidatima objavljena je na internet stranici Centralne izborne komisije Bosne i Hercegovine.
5. Prijavu na ovaj javni oglas dostaviti preporučenom poštom ili na protokol Općine Vogošća u zatvorenoj kovrti sa naznakom „JAVNI OGLAS ZA IMENOVANJE 3 (TRI) ČLANA OPĆINSKE IZBORNE KOMISIJE VOGOŠĆA – NE OTVARATI“ na sljedeću adresu: Općina Vogošća, Općinsko vijeće, Komisija za izbor i imenovanja (konkursna komisija) ulica Jošanička broj 80, 71320 Vogošća.

Broj: 01-04-461/23

Vogošća, 05.05.2023.godine

